

Date – 14/02/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Tukin dar 7:00 khan Aizawl Municipal Corporation hnuiaia Lawipui Local Council ah vote thlak tan a ni.
- 2. Mizorama Local Council leh Village Council inthlanah rorel lai ZPM Party in seat an la tam ber.
- 3. Manipur-ah President's Rule puan a ni.
- 4. Prime Minister Narendra Modi chuan India leh US thawhdunna chuan khawvel tha zawk a siam thei a ti.

<><><>

SEC

Tukin dar 7:00 atanga tlai dar 4:00 thleng Aizawl Municipal Corporation hnuiaia Lawipui Local Council ah vote thlak hun hawn a ni a,
Candidate pakhat a thih avanga a nawlpui zinga inthlan theih a nih loh avangin vawiin hian Lawipui Local Council bik hian vote an thlak dawn a ni.

(Desk)

<><><>

LC/VC ELECTION

Mizorama Local Council leh Village Council inthlanah rorel lai ZPM Party in seat an la tam ber a,
State Election Commission tarlan danin Village Council-ah ZPM in seat 1153 la in, anmahni hnaih ber tu MNF in seat 744 an la a, Congress in seat 406 la in, BJP in seat 17, HPC in seat 4 leh Independent in seat 87 an la a ni.
Local Council pahnih - Aizawl Municipal Corporation leh Lunglei Municipal Council-ah seat hmuh belhkhawm chu ZPM in seat 363, MNF in seat 197, Congress in seat 147 leh Independent in seat 11 an la a.
Mizoram pumpuia Village Council zawng zawngah voter zaa 75.43 in vote an thlak a, Lunglei district-ah vote tla tha berin voter zaa 80.93 in vote an thlak a ni.
Local Council pahniha ah vote za zela 64.79 a tla a, Aizawl Municipal Corporation hnuiaiah voter zaa 63.87 in vote thlakin, Lunglei Municipal Corporation hnuiaiah voter zaa 70.17 in vote an thlak a ni.
State Election Commissioner Dr. H. Lalthlanglana chuan Local Council leh Village Council inthlan chu boruak muanawm tak hnuiaiah tluang taka zawh fel a nih thu a sawi a. Thawktute, mipui, NGO leh MPF te hmalakna, thahnemngaihna leh inpekna zarah boruak chhia leh duhawmlo report awmlo a neih a ni chu lawmawm a tih thu sawiin mipuiten khua leh tui tha an nihna ang a an chanvo thahngem ngai taka hlen chhuak a vote an thlak rah a nih thu a sawi.

(Corr)

<><><>

WORLD RADIO DAY

“Radio Ni”, “World Radio Day” pualin nimin khan Akashvani Aizawl buatsaihin Radio pawimawhna leh mipuite beng ti var tura radio tangkaizia inzirtirna hun hman a ni.
Akashvani Aizawl Director leh Mizoram Cluster Head Pu DR Lalropuia chuan World Radio Day puala thuchah a sawina ah Radio chu tunlai khawvel hmasawn zelah ngaihhlut ala hlawh reng a ti a, mipuite thinlungah ala hlu reng tih sawiin Radio thupui midangte hrilhhriat, zirtir leh hriattur pawimawh chhawpchhuah kawngah nasa taka tan lak ani tih sawiin Radio program hrang hrang leh chanchinthar ngaithla chhunzawm zel turin mipuite a sawm a ni.
Pu DR Lalropuia chuan World Radio Day chu kum 1946 bul tan a ni a ti a, Kuminah chuan sik leh sa inthlak mek chungchang - Radio & Climate Change chu thupuih hman a ni tih sawiin thupui hmangin station hrang hrangah hman a ni a ti bawk.

Byte of Pu DR Lalropuia (30 secs)

Akashvani Aizawl buatsaihin nimin khan World Radio Day pualin Reiek Community Hall ah Hriselna kawnga inzirtirna buatsaih a ni a, Radio programme hrang hrang ngaithla tha mi pasarih (7) hnenah Radio pek a ni bawk.

Health Awareness Campaign & Gift a Radio Campaign puala hun hmanah hian Pu Samuel Z. Hrangte, Asst Director (Program) chuan Broadcast Infrastructure Development Scheme hnuiaiah program siam tura an rawn tih angin Akashvani Aizawl chuan thil chi hrang hrang an buatsaih tih a sawi.

Byte of Pu Samuel Z. Hrangate (21 secs)

He hun hmanah hian National Tobacco Control Program (NTCP) atanga Nodal Officer pahnih Dr H. Lianthangpuia leh R. Lalremruata ten taksa vawn hrisel nana mipuite tihtur zirtirna an pe a, Reiek khawtlang hruaitute leh Reiek High School bakah Reiek Middle School naupangte he hunah hian an tel a ni.

(Desk : Isaac)

<><><>

LUNGLEI DRAGON FRUIT MOU

Lungleia dragonfruit chingtute'n an thlai thar chhuahte man bithliah (rate) felfai leh man man zawka an hralh chhuah theih nan inremna an siam a,

Lungleia District Horticulture Office-ah Mizoram Dragonfruit Farmers' Association (MIDFA), Sub-Headquarters leh Tawitlang Farmers Producers Company te chuan kumina dragonfruit thar chhuah, lei leh hralh chungchanga inremna hi an ziak a ni.

He an inremnaah hian Lunglei District chhunga thar chhuah dragonfruit tha chu MIDFA Sub-Hqrs, Lunglei te hnen atangin Tawitlang Farmers Producers Company te hian kg khat Rs 130/-in an leisak dawn a. Inremna an siam hian ni 30.11.2025 thleng a huam dawn a. Dragonfruit lei turte hi a grade then a ni dawn lo va; amaherawchu, a pum hmin tha leh him chauh an lei dawn thung a ni. Dragonfruit thar chhuahte lak khawm, thliar fel, buk leh hralhna hmun atan Mualthuam 'N', Pukpui leh DHO Office, Lungleiah collection centre dah tum a ni bawk.

He inremna hi a hralhtu lam, MIDFA Sub-Hqrs Lunglei aiawhin President Pu R. Lalthanmawia leh Secretary Pu Lalramengmawia te'n hming ziaikin, a leitu tur lam, Tawitlang Farmers Producers Company ai awhin Chief Executive Officer Pu Lalthlamuana Sailo leh General Manager Pu Vanlaltanpuia te'n hming an ziak thung a. Lunglei District Horticulture Officer Pu B. Lalzarzova leh Lunglei District Commerce & Industries Officer Pu F. Lalsawmliana te'n an hriatpui bawk a ni.

(DIPR)

<><><>

DRUGS DISPOSED

Mizoram Police CID (Crime) te chuan Special Narcotics Police Station Ruihhlo mante Methum Silaimuala thil halralna hmunah an hal ral.

Nimin a ruihhlo halral te hi Heroin kg 8.953, Methamphetamine kg 184.95, Crystal Meth kg 1 leh Codeine kg 72 a ni a. Ruihhlo halral zawng zawngte hi kg 266.903 niin vaibelchhe sawmhnih pakua nuai sawmsarih pali leh sanghnih a ni.

Ruihhlo halralna hun hi CID (Crime) SP Pu Rahul Alwal an a kaihruaia. CID DIG Pu Dingluaia chuan he hun hi hmanpui in Mizoram Police te chu ruihhlo dona kawnga tan la tura fuihin ruihhlo do chu Mizoram Police tana hna pawimawh berte zinga mi a nih thu a sawi.

(Corr)

<><><>

INTERNATIONAL CONDOM DAY OBSERVED AT AIZAWL

Mizoram State Aids Control Society (MSACS), AIDS Healthcare Foundation India Cares leh Samaritan Society of Mizoram-te hmalaknain nimin khan International Condom Day 2025 hman a ni.

He hun Aizawl-a Millenium Centre chung zawla nghah hi Mizoram State Aids Control Society Project Director Dr. Jane Rinsangi Ralte chuan hawngin hemi atana beihpui thlakna Generation C Campaign-in a tum ber chu thalaite zinga mipat hmeichhiatna atanga natna inkaichhawn theih hrang hrang leh HIV darh zel tur venhimna a nih thu leh condom hman tangkaina leh pawimawhzia zirtirna mai nilo in, nupui/pasal nei hmaa mipat hmeichhiatna hman loh zirtirna uar taka kalpui a nih thu te, HIV leh mipat hmeichhiatna hman atanga natna inkaichhawn theih hrang hrang laka mi tinte an fihlim nan Condom hman ziah pawimawhna leh tulna kalpui a ni dawn bawk tur thu a sawi a.

Hemi kawng beihpui thlakna Love Brigade Campaign hi kum 2020 atanga kalpui tawh niin, tun tum a thawhnhnihna ah hian Two Wheelers Taxi Association te nen tangkawpin Two Wheelers Taxi Driver engemawzat hnenah Condom jacket sem a ni a. Heng bakah hian Love Brigade Campaign thawh hnihna ah hian Aizawl a Auto Drivers Association te hnenah HIV chungchang zirtirna hmanruaw dahna tur seat cover sem a ni dawn bawk a ni.

International Condom Day hi kum 2009 atang khan February ni 13 ah hman thin a ni.

(Corr)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

MANIPUR

Manipur-ah President's Rule puan a ni. CHief Minister N Biren Singh a ban hnuah Union Ministry of Home Affairs chuan Manipur-ah President's Rule puan anih chungchang hi thuchhuah a ti chhuak a. President Droupadi Murmu chuan Manipur Governor hnen atangin state dinhmun hriattirna a dawn thu leh ngun taka a ngaihtuah hnuah ram danpuuin Article 356 in thuneihna a pek angin Manipur ah hian President's rule hi a puang a. Sawrkar thuchhuahah hian Assembly pawh chawlh lailawk tir an nih thu tarlan a ni bawk a ni.

(Newsonair)

<><><>

\

PM MET US PRESIDENT

Prime Minister chuan India leh US thawhdunna chuan khawvel tha zawk a siam thei a ti. Nizana US President Donald Trump nen White House, Washington DC-a an inkawm zawha chanchinbumite an kawmnaah he thu hi sawiin Pu Modia ram pahnih ten an inlaichinna chu tihlen an rem ti a ti a. Technology hmanga thiamna leh theihna te tangkai taka hman an tum bawk a ti a. Hemi hnuaiyah hian mineral pawimawh bakah bungraw tha leh damdawi siamna lam hmanruate tam zawka inpek kual dan tur ngaihtuah a ni ang a ti a. Prime Minister Modia chuan India-in ram venhim hna a thawhna kawngah America chu a pawimawh hle a ni a ti bawk. India leh US chuan kum 2030 ah chuan an insumdawntawwna chu dollar tluklehdingawn 500 chuanga tihlen an remti a ti a. Firfiaka chetna lamah pawh an thawkdun tha hle tih sawiin kum 2008-a Mumbai-a firfiaka chetnaa inhnamhnawihte India-a thawnlet a remti chu Donald Trump-a hnenah lawmthu a sawi a. Pu Modia chuan Los Angeles leh Boston-ah Indian consulate thar hawn anih tur thu a puang bawk a ni.

President Donald Trump pawhin India leh US ten thawhdunna tur pawimawh tak tak an siam thar tih sawiin US leh India inzawmna chu a danglam bik a ni a ti a. Energy lamah inremna siam niin US chu India-a oil leh natural

gas thawnluttu lian ber a ni dawn a ti bawk. Khawvela sumdawnna kawng lian ber tur India-MiddleEast-Europe Economic Door siam turin inremna an nei a ti bawk.

(Byte)

Tun tum hi President Donald Trump-a lakluh anih hnuah Prime Minister Narendra Modia'n US a tlawh hmasa ber a ni.

(Newsonair)

<><><>